

傷寒直格下

傷寒標本

附傷寒心要

附張子和傷寒心鏡別集

劉守真醫書八

臨川 葛 雖 編  
新安 吳勉學 校

習醫要用直格

諸證藥石分劑

麻黃散

麻黃

一兩半去節湯泡 桂枝 一兩削去皴皮 甘草 半兩

杏仁 二十粒湯浸去皮尖

去黃汁焙乾秤 右判如麻豆大每服五錢匕 匕 匕 水一盞半煎至八分

取微汗或溫病身煩痛小便自利者加白朮四分微汗之 每一分 二錢半也 衣覆以取

益元散

一名天水散

滑石

六兩白甘草一兩

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得

解利發汗煎葱白豆豉湯下每服水一盞葱白五寸豆豉五十粒煮取汁七分調併三四服以効

為度此藥是寒涼解散熱鬱設病甚不解多服無害但有益耳本世傳名太白散俗惡性寒易

得之賤物而又不明素問造化之理故不取本草神驗之言而多不用焉若以隨證驗之乃凡人

之仙藥也何可缺歟○夫傷寒當汗則不可下當下則不可汗且如誤服此藥則汗自不出而

裏熱亦復不效亦有裏熱便得宣通而愈者也或半在表半在裏可和解而不可吐下發汗者若

服此藥多愈或不愈亦小減加涼膈散和解尤佳○或自當汗解者更加蒼朮粗末三錢同葱豉

煎湯調服尤良或孕婦不宜滑石麻黃桂枝單發汗即用甘草一兩蒼朮二兩同為粗末每服四

亦可服。或大白散加麻黃二兩去節。如法煎服。世云神白散。或逼毒散加麻黃與蒼朮等分。去節。濟衆云青龍散。或青龍散更加滑石末與蒼朮二倍。是為發汗之妙藥。名曰大逼毒散。此方唯正。可汗者即用。誤服之則轉加熱也。或解利兩感煎涼膈。調下益元散四錢。或下乳用豬肉麪羹粥飲湯之類。調下四錢不拘時候。日三服。及宜食肉麪羹粥。催產溫香油漿。調下五錢。併二三服以產為度。或死胎不下者。煎三乙承氣湯一服。調下益元散五錢。須臾更頻用油漿。調益元散溫服。前後俱下。而胎下可活產母也。凡難產或死胎不下。皆由風熱燥滯。緊斂結滯。而不能舒緩。故產戶不得自然開通也。此藥力至則結滯頻開而產矣。後慎不可溫補。而反生燥熱也。俗未知產後亡液損血。疼痛怖懼。以致神狂氣亂。則陰氣損虛。邪熱大甚。而為諸熱。證由不讀素問。不知造化。故不識證候。陰陽反以妄為產諸虛百損。便為虛冷。而無熱也。誤以熱藥溫補。或見煩渴者。不令飲水。本雖善心。為害多矣。宣治病之道。但以臨時審其臟腑六氣虛實。明其標本。如法治之而已矣。此藥泛常多用。然須為效至大。而俗以病異藥同。將謂妄行反招悔。慢今以黃丹加令挑紅色。名曰紅玉散。加青黛。令輕碧。名碧玉散。加薄荷葉一分。名羅蘇散。主瘰癧。殊收效則一。俗目懵然。何能別此。可遠妄侮。可顯玄功。後之學者。其究心焉。

桂枝湯

桂枝 去皺

芍藥 甘草 炙等分 三

右剉如麻黃大。每服八錢水一盞半。姜三片。棗三枚。擘破。煎至七分。令去滓溫服。續後啜熱稀粥。溫覆。令遍身微汗。或暖也。及初夏可加黃芩一兩。名陽旦湯。大熱之分。及素有熱人。可再加知母半兩。石膏一兩。為末。或更加升麻一分。禁生冷粘滑肉麪五辛酒酪息物等。桂枝證反下之。不成結胸及痞。但腰滿証在者。本方倍加芍藥。大實痛者。更加大黃半兩。脉弱自利者。不加。

桂枝加葛根湯

桂枝 芍藥 甘草各六錢 葛根三兩

右如桂枝湯服 謂如桂枝湯對

葛根湯

葛根 一兩 麻黃 泡去黃汁 焙 桂枝 去皺 芍藥 甘草 各略

右如桂枝湯服

大青龍湯

麻黃 製如前 石膏 三分 桂 一分 甘草 一分 杏仁 十枚 湯去

右劉如麻豆大抄五錢 水一盞 生姜三片 棗三枚 擘破 煎至半盞 瀉去滓 溫服 令身汗 濕未潤再

服

小青龍湯

麻黃 製如前 半夏 湯洗 芍藥 細辛 乾姜 甘草 炙 桂枝 去皺 各五分 五味子 二錢

右劉麻豆大 每服八錢 水一盞半 生姜四片 煎至七分 絞汁 溫服 渴者去半夏 加栝蒌根三錢

微利去麻黃 加芫花 彈子大 噎者去麻黃 加附子二錢 泡以開佛熱結滯 小便不利少腹

滿者去麻黃 加茯苓四錢 喘者去麻黃 加杏仁 煎如此方 燥至溫 散其水 以潤腸胃 臟腑之燥

以開發佛熱結滯者也

小柴胡湯

柴胡 去苗 秤 黃芩 甘草 人復 各三 半夏 六錢 泡

右劉如麻豆大抄五錢 生姜三片 棗三枚 切煎至半盞 瀉去滓 溫服 日三 小兒一服 作三服 諸藥

涼膈散 一名連

連翹 一兩 山梔子 大黃 薄荷葉 去毛 黃芩 略 甘草 半 朴硝 一分

右為粗末每服二三錢水一盞蜜少許或無蜜亦可煎至七分濾去滓溫服熱甚者服四錢亦有可服一二十錢者治咽喉并涎澀加桔梗一兩荊芥穗半兩咳而嘔者本方加半夏兩每服生姜三片煎衄嘔血者加當歸芍藥各半兩生地黃一兩淋者加滑石四兩茯苓一兩風眩者加川芎防風各半兩石膏三兩酒毒者加葛根一兩斑疹痘瘡加荊芥穗赤芍藥川芎防風桔梗各半兩三歲兒可服七八錢或熱甚黑陷腹滿喘急小便赤澀而將死者此一服更加大承氣湯約以下之得利立甦

### 白虎湯

凡言加者皆自本方加也但加者每服五七錢以意加減調理兩感傷寒下證前後以退表裏之熱者煎本方四五錢調下益元散三四錢其本方皆能治此諸證但加即為效也

知母半一兩甘草一兩粳米一合石膏四兩  
右剉麻豆大抄五錢水一盞煎至六分去滓溫服無時日三四服熱甚者服七八錢至十餘錢或眩或嘔或咳者加半夏兩陳皮半兩每服用生姜三片煎服或傷寒發汗不解脉浮者加蒼朮半兩名曰蒼朮白虎湯或發汗或下後煩渴口乾或脉洪大或微惡寒者或不可下者或除可者之外並宜加人參半兩以調之名曰參白虎湯

### 五苓散

猪苓去黑皮茯苓各半兩白朮各半兩桂去皺澤瀉一分澤瀉一兩

右為細末每服二三錢熱湯調下惡熱欲冷飲者新水調下或生姜湯調下愈妙或加滑石二兩甚或喘嗽咳煩心不得眠者更加阿膠半兩泡

### 桂苓甘露飲

桂半兩茯苓一名桂苓白朮各半兩甘草炙澤瀉石膏寒水石滑石各一兩石如前製

右為極細末。熱湯調下三錢。欲冷飲者。新水調下。或生姜湯調下。尤良。小兒服一錢。

白朮 茯苓去皮 人蓨 藿香葉淨各半兩 甘草炙一兩 木香分 葛根一兩

右為細末。白湯調下三錢。若煩渴者。加滑石二兩。病甚者為粗末。每服一兩半。水一大升。煎至七合。絞汁放冷。從意續飲。之小兒尤宜。

四逆湯

甘草炙 乾姜各 附子半個 去皮臍

凡用附子。以半兩重者佳。小者力弱。大者性惡。非稱處方之宜也。世皆美其大者。未知古人之有則也。

右剉麻豆大。用水兩盞。煮至一盞。絞汁分溫二服。強實人二劑。作三服。或畜熱極深者。手足厥冷。則不宜此方。當以下之也。

茯苓半夏湯

茯苓去皮 生姜取汁各一分 半夏一錢

右剉麻豆大。用水一盞。煎至四分。絞汁下姜汁溫服。

半夏橘皮湯

半夏泡如陳皮湯浸洗 甘草炙 人蓨 茯苓 黃芩去腐心 葛根半兩 厚朴去皮各一分

右剉麻豆大。用水三盞。生姜一分。切煎至一盞。半絞取汁。分四服。作一日食後溫服。

黃連解毒湯

黃連去頂 黃蘗 黃芩 大梔子各半

右剉麻豆大。每服秤半兩。水一茶盞。煎至四分。絞取汁溫服。無時。日三四。以效為度。每一二服效。

或腹滿嘔吐或欲作利者。每服加半夏三枚。全用厚朴二錢。剉茯苓去皮。剉水一盞半。生姜三片。煎至半盞。絞汁溫服。名曰半夏黃連解毒湯。或欲急下者。本方加入承氣湯一服。生姜煎如前法。以利為度。一法為細末水研。如小豆大。溫水下二十丸。治積熱勞效瀉利甚良。

瓜蒂散

瓜蒂 赤小豆 等分

右為細末。以香豉半合。豉水一盞半。煮取汁半盞。調下一錢匕。不吐加服。得快吐乃止。虛人不

大柴胡湯

柴胡去苗 大黃各半 黃芩 芍藥各一 半夏 二錢 枳實三錢生用

枳實不去穰為效甚速下並同

右剉麻豆大。分作三服。每服水一盞。生姜三片。棗三枚。煎至半盞。絞取汁溫服。未利再服。

大承氣湯

大黃 芒硝朴硝有芒頭者亦得 厚朴去皺 枳實各半

加甘草一兩。是名三乙承氣湯。

右剉麻豆大。分一半。用水一盞半。生姜三片。煎至六分。納硝煎一二沸。絞去滓。熱服。

凡前藥須慢火煎。沸即下火為一沸。或言煎至幾分亦如此法。煎不可強火。耗去其水也。凡病熱鬱甚而冷。服寒藥則病能拒。藥多不能下。故經曰寒因熱用。未利再服熱甚者。此一劑分

大半。作一服。未利再服少半。熱更甚者。一劑都作一服。熱勢甚者。亦可併此二劑為一服。劑分劑為劑為

料方得利而效者。臨時消息以利為度。消息謂損益多少也。凡用藥多少。做於此耳。

小承氣湯

大黃半兩厚朴三錢枳實三錢

右剉如麻豆大。作二服。每服用水一盞。生薑三片。煎至半盞。絞取汁。熱服。未利再服。或微下者。一劑分作二服。或和胃氣。不欲利者。一劑分為四五服。

調胃承氣湯

甘草 大黃 芒硝各半兩

右剉如麻豆大。分一半用水一大盞。煎至半盞。絞去滓。納硝煎一二沸。熱服。不利再服。

十棗湯

芫花慢火炒大戟 甘遂各等

右為散。末。用水一盞。肥棗十枚。切開。煮取汁半盞。調下半盞。匕強。實人服一錢。匕以意加減。快利為度。

為度

桃仁承氣湯

桃仁湯去皮尖雙芒硝半兩大黃六錢桂去皺甘草各三錢

右剉如麻豆大。分作三服。每服用水一盞。煎至半盞。下硝。絞取汁。熱服。日三。以微利為度。

抵當圓

水蛭炒蝨蟲炒各七枚 桃仁八粒大黃一錢

右為細末。蜜和作二圓。用水一小盞。煮一圓。至六分溫。服。晬時血未下者再服。

抵當湯

水蛭炒蝨蟲炒各十枚 桃仁七枚大黃一錢

右剉如麻豆大。分作二服。每用水一盞。煮半盞。絞去滓。溫服。未下再服。水蛭之吉。丁結。二切。



茵陳湯

茵陳蒿名山苗陳一兩 一川大黃半兩 山梔子七枚小者十枚

右剉如麻豆大用水兩盞半慢火煮至一盞絞取汁温服六分未利再服四分以利為度勢甚者作一服未利再作以意加減當下如爛魚肚及膿血膠膠等物及小便多出金色如皂角汁或見證將欲發黃者此一劑分作四服每服調下五苓散三錢凡治發黃亢越此法也

世俗有傳烙黃而愈者或此強實之人素本中氣不衰而及濕熱鬱之微者烙之而誤中強劫開發得開氣血宣通即作汗而愈或體質本虛濕熱結甚則劫發不發而反致死者不為少矣

莫若仲景法對證以藥致之則免致強劫不開而反誤人生命也及夫近世妄傳有寒極陰黃而內外極救其陽為害多矣設若病微而誤中開發得愈亦以鮮矣而傷生者不可勝言也大抵凡諸黃者有二一則濕熱氣而黃萬物皆然又如麥秀而麩雨濕熱過極則黃疸者也及水

滂而天氣濕熱則草木將死而色變黃者也或病血液衰則虛燥熱太甚而身面痿黃者猶亢旱而草木萎黃也夫病燥熱而黃者當退熱潤燥而已此傷寒濕熱極甚而發黃者開結退熱

雙利大小腑以除水濕則利加而愈也對於林切今作陰

結胸而發黃者同陷胸湯各半服下之或誤服巴豆熱毒圍藥下之及損陰氣遂協熱利不止而發黃者同大承氣各半服下之亦有協熱利不止更或結胸而發黃者用茵陳五分同陷胸湯三分大承氣二分以下之或兩感發黃者本方加黃連解毒湯一服急下之或頭微汗小便利而微

黃者濕熱微也宜此梔子蘚皮湯

大山梔子十五枚 甘草一錢 黃蘚半兩

右剉如麻豆大此劑則作二服每服水三盞煮至一盞絞取汁分三次作一日服

大陷胸湯

大黃 芒硝錢各三 甘遂末三字

右到如麻豆大一劑。分作二服。每服用水一盞。煮大黃至六分。內消至一二沸。絞汁一字。七半溫服。未快利再服。熱惡不利者以意加服。

大陷胸圓

大黃半兩 葶藶三錢 芒消一分 杏仁十二個  
微炒 反炒色變

右大黃為細末。下葶藶杵。再羅研杏仁消如泥。和圓如彈子大。每服一圓。入甘遂末三字。白蜜半匙。水一盞。煮至半盞。溫服。當一宿許乃下。未利再服。

小陷胸湯

半夏四錢 湯洗全用 生薑二錢 黃連二錢 栝萸實大者半個  
剉 惟對其壳子則不

右以水三盞。煮栝萸取汁一盞。半內餘藥。煮至一盞。絞取汁一盞。分兩次溫服。以效為度。

大黃黃連瀉心湯 大黃 黃連 黃芩各一 一法加生姜一分甚良。

梔子湯

大梔子七枚 豆豉半合  
剉碎

右以水兩盞。煮梔子至一盞半。內豉煮至半盞。絞汁溫服。

凡加者皆用梔子先煮。

或吐者止後服。凡諸梔子湯。皆非吐人之藥。以其燥熱鬱結之甚。而藥頓攻之不能開。通則鬱發。而吐因其嘔吐發開鬱結。則氣通津液寬行而已。故不須再服也。

梔子厚朴湯

大梔子七枚 厚朴半兩 枳實二錢  
去粗皮

傷寒直格 卷下

右到如麻豆大以水一盞半煮絞汁半盞溫服

泛論

凡傷寒熱病下後熱不退下證尚在者再三下之以熱退為度雖熱退尚未痊愈者隨證調之凡下之前後或大汗將出或大汗已出是俗是奸或汗後煩渴及諸吐瀉雜病一切煩渴者須以細細飲之渴未止者頻頻時與但不可過多以成留飲不散者也留飲一名水畜經曰積飲

夫留飲謂水液留積畜聚於內而不濕潤傳化者也夫腸胃燥熱大甚則結滯而氣液不能宣通故雖飲而難以上其煩渴也若以頻飲過多則水濕過極而腸胃燥熱怫鬱轉以加其水濕痞閉故成留飲而心腹滿痛或為吐瀉也設若不與飲之則燥熱轉甚危而死矣

夫腸胃之燥濕猶地最勞適當其宜皆不可過與不及凡治病之道以調六氣陰陽使無偏頗各守其常平和而已嗟夫世俗或以妄為冷水寒藥水損脾腎隔卻大汗但令中外俱熱而欲望其作大汗者或大汗欲出腸胃燥熱煩渴及汗已出反慮水却大汗不與水者或氣弱久虛煩渴者或吐瀉煩渴者或產婦煩渴皆以妄為氣虛不可飲水也此乃未知古人云渴欲飲水為熱在裏也若夫正氣既衰邪熱燥甚而煩渴者若非水液寒藥滋潤救其殘陰退其邪熱則陽熱暴甚而為害甚大也不與水而反以大毒熱藥燥之蓋無損者耶且如酒之體者水也此之飲水則過能多飲而旋能消散之外轉能發於渴者以其苦熱養於心火則陽盛陰衰而燥去水濕之體故旋能消散而善多飲水也其酒之善多飲者以其酒之熱毒若非復以水體勝之則亦少飲疾醉者強以飲多則燥熱太甚而多主病也然酒力之熱善消水體復制酒力以其熱力多於水體故飲多即熱醉而燥盡水體勢力尚在則燥熱煩渴而病於酒也然酒之熱耗盡水體之外尚能燥熱煩渴為病况病於燥熱太甚而煩渴及不與水者豈不知其害耶况燥熱煩渴者腸胃易為怫鬱

當以退熱開結散水潤燥之藥調之。免致燥熱太甚。則怫鬱以成留飲。雖多飲亦不止。其腸胃臟腑之燥熱煩渴。而成腸胃之內熱。甚以成吐瀉也。涼膈白虎五苓及桂苓甘露之散類。隨證以調之也。

或成留飲諸病者。隨證燥之。

宜小青龍湯。五苓桂苓甘露黃連解毒湯。小陷胸大承氣之類。證本方論中。

### 戰汗

夫熱病大汗將出而反寒戰者。

古人以百病皆為雜病。惟傷寒名曰大病。俗言汗病是也。經言大汗者。非謂邪熱自汗大出者也。乃陽氣怫鬱結。後得開通發散宣通。則蒸蒸而為汗出。是謂大汗。言大病怫鬱邪毒之氣鬱極。迺發以為汗出。故曰大汗也。故經曰大氣皆去。病得已矣。

表之正氣與邪熱。并其於裏。大熱亢極而反兼水化制之。故反寒慄也。化謂造化

經曰少陰所至為驚。或惡寒戰慄譫妄。謂少陰君火熱氣之所至。而為此等之病也。又經曰諸禁鼓慄如喪神守。皆屬於火。注云熱之內作然。禁俗作噤。鼓振搖而動也。言禁冷振慄。反寒戰也。經曰亢則害。承乃制。謂五行之道微者。當其本此。實其過亢。則反兼勝己之化。以制其甚。老子云天之道其張弓乎。高者抑之。斯其道也。經云水曰靜順。謂靜而自己無為。但順物之氣味也。及方圓不與物爭。乃至柔順者也。水本寒。寒極則水冰如地。而能載物。又經曰水發而雹雪。是水寒亢極。而反似尅水之土化。是謂兼化也。故病寒極者。反堅滿也。夫土主濕。黔雲雨而安靜。雨濕極。甚則飄驟散落。是反兼風木制其土濕也。故經言瘞為濕極。而反似風強病也。○木主生榮而旺於春。其氣濕。其本風。風大則反涼。而毀折。是兼金化制其木也。故風病過極。則中外燥濕。皮膚皴揭。反氣運行之燥澀。而筋脉癱緩。是反兼金化也。○金主於秋。而屬於陰。其氣涼。涼極則天氣清明。而

萬物反燥。燥物莫若火。是金極反兼火化制之也。故為病血液哀少。燥金之化極甚。則反熱也。燥物莫若火。夏月火盛熱極甚。則天氣曠昧。而萬物反潤。以出水液。林木流津。及體熱極而反出汗。液以火煉金熱極而反化為水。是火極而反兼水化制之也。故病熱極則反出五濕。婦人帶下淋瀝。及厥逆身冷。或為惡寒戰慄。而或反冷痛也。俗以帶下直言冷病。及惡寒戰慄。便為陰寒者。俗醫未知此也。夫天道造化病微。必當其本化寒見水化熱。見火化也。病甚者。反以勝己之化。如寒極反似濕土熱極反似寒水之化也。嗟夫百病之極甚者。其狀反似於己之相反者。俗醫不求其病之本氣。而百端擬疑。莫知真源。不得已。而但隨兼化之虛象。妄為其治。反助其病。而害於生命多矣。以至舉世皆云。病至危極之時。則陰陽反變。而無能辨別也。殊不知。但以運氣造化之理推之。則設若干變萬化。而歸其要則一也。何得有難易之二耶。故經曰。夫標本之有道。要而博。小而大。可以言一。而知百病之害。經又曰。善言始者。必念於終。善言近者。必知其遠。是則至數而道不惑。所謂明矣。故老子曰。不窺牖。見天道。不出戶。見天下。其出彌遠。其知彌少。蓋如要與。不知要也。古聖曰。反常合道。謂古聖天理大道合同。而常俗之心。則有相反者也。然古聖道不離於俗者。謂道包於俗。而入俗也。又云。俗自離道者。常俗莫能合於道也。夫俗則有相。而道本無形者。正如五行之變化。微則守常。而本化自見。乃有相之俗。是化以自見也。其則反以勝己之化。乃無相而反常合道。是謂變。以其取變於本化之相。而反見勝己之化也。變化之道多端。此則微其外相之變化也。故仙經曰。大道似不肖厚德。若不足。即藏其本相於內。而反變化勝己之化。於外無相。乃反常合於道者也。却以道眼觀之。則求其內也。若但以俗眼觀其外。則逐相而遷。何由得其要也。故聖經所論天地變化與道合同。而俗無所嫌。但隨俗見。編集方論。有乖其理。祇合俗心。致使後人皆由說反。自以為是。而聖經之妙理。普然罔究。病者無辜。竟罹橫夭。吁可痛者。且如經言陽勝則熱。陰勝則寒。俗直謂陽熱之氣勝。則發熱。陰寒之氣勝。則發寒者。皆經之本旨也。此言表裏之陰

陽正氣之虛實言正氣勝者為不病而不勝者為病也故經曰陰勝則陽病陽勝則陰病陽勝則熱陰勝則寒是謂表陽之正氣為不病裏陰之正氣衰而為受病也裏陰之正氣勝為不病表陽之正氣衰而為受病者也此皆熱在表裏陰陽之部分者也然病勝在裏為陽勝虛虛病當發熱故發熱為病熱在裏陽勝陰虛下之則愈汗之即死者是也表熱裏和則病當惡寒為陰勝陽虛汗之則愈下之即死者是也故熱在表為陰勝陽虛而言惡寒之寒則為寒也熱在裏為陽勝陰虛而言發熱之熱則為熱也故傷寒表熱則惡寒當汗裏熱則發熱而當下之又經曰重寒則熱重熱則寒者非謂病寒而極重反變也此重言當有兩重惡寒則不惡寒而惡熱謂表熱惡寒為一寒也若裏之陽和正氣又出之於表則又當有一重惡寒是謂重寒則反不為寒而為發熱也若表之正陽之氣與邪熱并入於裏則為兩重發熱則不發熱而後禁慄寒戰也此反言陽和衛氣并之於表陽分則病氣之勝為陽勝也病氣與衛氣并其於裏之陰分則為陰勝也此亦表裏之陰陽正氣之與邪熱相併而以言為虛實也然邪熱在於表則惡寒而熱與裏之衛氣并之於表則反煩熱也邪熱獨在於裏則發熱而表之正氣與邪熱并之於裏則反寒戰也故經云陽虛則外寒陰虛則內熱此言不併者也正氣虛而受邪熱故言虛也又曰陽勝則外熱陰勝則內寒此言併者也夫表裏陰陽之分受其邪熱之所在其沖和正陽之衛氣又為邪熱相并而為病之所正氣轉實而不虛故經言勝也○故經癰論云陽氣并於陰當是之時陽虛而陰實外無氣故先寒慄也陰氣逆極則後出之陽陽氣後併於外則陰虛而陽實故先熱而渴又曰併於陽則陽勝并於陰則陰勝陰勝則寒陽勝則熱是言表裏之陰陽熱氣之虛實非寒熱陰陽之虛實也故經曰病在陽則熱而脈燥在陰則寒而脈靜然氣并於內而外無氣故寒戰脈不能燥甚而沉細欲絕靜或不見也○夫瘧者邪熱與衛氣并則作發而不并則休止也故經曰衛氣相離或病得休衛氣集則復病也故又云陰虛而陽實實則熱矣衰則氣復反入入則寒矣此祇言表裏之陰

陽氣不并者為虛而并者為實。其為病之氣者乃熱之一也。俗未明之。直以經言陰勝則寒。不明其經意。以病熱而反惡寒戰慄。便為陰寒之病。誤之久矣。其陰寒之為病者。脈遲細不煩渴。小便清白。吐利腥穢。屈伸不便。厥逆禁固。體寒而不熱。不惡寒。無戰慄者也。故經言人多病氣也。陽少陰多。故身寒如從水中出。又曰。人有身寒。湯火不能熱。厚衣不能溫。不凍慄。此是陰寒為病。而直云不凍慄。寒冷也。夫陽動陰靜。故經云戰慄動搖為陽。火熱氣以為病也。反寒冷者。元則害承。乃制是火熱極。而反似寒水者也。故病寒戰者。反渴。及雜病而害戰者。多有燥糞也。及夫平人。冒寒而戰慄者。寒主閉藏。而外冒於寒。則裏熱。怫鬱。而表之陽和衛氣。以外寒逼入於裏。則陽并於陰。而寒戰也。夫恐極而戰者。經言五志過極。則勞傷本藏。恐為腎。故經曰。恐傷腎。然腎傷而虛。則腎火自甚而熱也。又經曰。恐則氣下。然陽生出行舒榮。故心火之志喜。則身心放肆。而陰主收藏。故腎水之志恐。則身心收斂也。夫恐則腎虛心實。而熱正氣收藏。陷下於裏。亦是陽并於陰。而寒戰也。夫酒噤而戰者。腸胃酒熱未散。身表酒力已消。則陽熱易為畜熱入裏。故但冒於寒。則陽并於陰。而寒戰也。夫欲汗而寒戰者。傷寒日深。表證罷。畜熱於裏。則發熱也。若表裏之正氣并入裏。則火熱無極。而反寒戰也。陰分陽熱之氣逆極。而後出之。陽則煩熱。而大汗作也。

世所謂交陽者。非陰寒文熱。以為陽熱也。乃怫熱畜之於裏。而鬱極迺發。則交傳出之於表之陽分。是謂交陽而後作汗也。或怫熱過極。而不能交出於表者。是鬱極不發。否極不泰。即正氣衰。殘陰氣先絕。則陽氣後竭而死矣。夫欲汗而脈忽沉細。而或不見者。陽表正氣并入於裏。故也。交陽而燥亂昏冒者。裏熱鬱極迺發。而欲出。以怫鬱而陽之氣極不能出。故氣亂則神昏而燥擾也。○凡欲作汗。無問病之微甚。或以經新下者。或下證未全者。恒以涼膈散調之。甚者宜黃連解毒湯。或下後二三日。或未經下。腹滿煩渴。脈沉實。而有下證者。三一承氣湯下之。勢惡者。加黃連解毒湯下之。或已戰不快者。或戰後汗出不快者。或微戰數次。經大戰而汗不出者。乃并之不堪。而病之不速也。通宜三

一承氣湯或更加黃連解毒湯下之。以散佛熱而開鬱結也。○大法曰。脈浮不可下。傷寒病已有裏証。脈沉之下裏証尚在。脈漸浮至一二日汗不能出者。裏証鬱發之不峻病已。三乙承氣湯微下之。凡此諸可下者。或得利而汗使出者。或服藥而佛鬱頓然開發。先汗出而後利者。或利性但隨汗出。泄則氣和而愈。更不利者。說不快。交不過而死者。止由裏熱極甚而不能開發也。故常以寒涼或下佛熱。免致但以其作汗而為邪熱耗絕陰氣而死也。或不戰而汗出者。衆不能盡而陽不并陰也。或戰而無汗而自愈者。津液已衰。以經發汗吐利。或自汗吐利。亡液過多。則津液衰竭。無由作津。但氣和而愈也。

或不戰無汗而愈者。陽不并陰則不戰。津液已衰。故無汗而已也。

世俗未知。而直以惡寒戰慄。名陽熱。氣虛陰寒實。勝因而為治。誤人多矣。

### 受汗

夫大汗將出者。慎不可恨其煩熱。而外用水濕及風涼制其熱也。

陽熱開發。將欲作汗而出者。若為外風涼水濕所薄。則佛熱反入於裏。而不能出。泄病多危極而死矣。

亦不可恨其汗遲。而厚衣壅覆。欲令大汗快而早出也。

佛熱已甚。而鬱極乃發。其發之微則順。甚則逆。順則發易。逆則發難。病已佛熱作發。而煩熱悶亂。更以厚衣擁覆太過。則陽熱暴然大甚。陰氣轉衰。而正氣不榮。則無由開發。即燥熱喘滿危而死矣。

### 汗後

雙解散。普解風寒暑濕饑飽勞逸憂愁思慮恚怒悲恐。四時中外諸邪所傷。億覺身熱。頭疫拘攣。強痛無問。自汗無汗。增寒發熱。渴與不渴。有甚傷寒疫癘。汗病兩感。風氣雜病。一切舊病。作發三日。



裏外並宜服之。設若感之勢甚本難解者。常服三兩日間亦無不可。並無所損。或裏熱極甚。腹滿實痛。煩渴謔妄。緩喘急下者。以大承氣湯下之。三乙承氣湯亦妙也。○下後未愈。或證未全。或大汗前後逆氣。或汗後餘熱不解。或遺熱勞復。或感他人病氣。汗毒傳染。或中瘴氣。馬氣。羊氣。一切穢毒。并漆毒。酒食一切藥毒。及墜墮打撲傷損疼痛。或久新風眩頭疼。中風偏枯。破傷風。洗頭風。風癩病。或婦人產後諸疾。小兒驚風。積熱。瘡瘍。疹痘。諸證。無問日數。但服之。周身中外氣血宣通。病皆除愈。隨風通聖散加天

水散各一半

防風 川芎 當歸 切焙 芍藥

薄荷葉 淨

大黃

麻黃

苗去根

連翹

芒硝

別研各

石膏

別研

桔梗 各一兩

滑石 別研

十五兩

白朮

山梔子

荆芥葉

甘草

別研各

黃芩

各一

兩

分

右為籠末。每服五錢六錢水一大盞半。入葱白五寸。鹽豉五十粒。生姜三片。煎至一盞。濾汁去滓。溫服無時。日三四服。以効為度。常服三錢水一中盞。煎六分。絞汁溫服。不拘時。兼夜四服。設痊愈後更宜常服。使病不再作。新病不生。並無過。竟無問歲數。乃平人常服之仙藥也。凡人已衰老。則腎水真陰損虛。即風熱燥鬱。其精血涸竭。枯燥而死。但以此藥扶補滋潤者也。嗟夫世俗反以妄傳。中年以上。火氣漸衰。止是虛冷。更無熱病。誤服熱毒之劑。害人無數。豈知識病之法。全憑勝證。以別寒熱。陰陽虛實。豈可以中年上下為則耶。此藥除孕婦及產後月事經水過多。并泄瀉者不宜服。或治雜病亦宜。治風熱極妙。一名通氣防風散。一名通解散。

### 傷寒傳染論

夫傷寒傳染之由者。由聞大汗穢毒。以致神狂氣亂。邪熱暴其於內。作發於外。而為病也。則如西山記曰。近穢氣而觸真氣。錢仲陽云。步履糞穢之履。無使近於嬰兒。若聞其氣。則令兒急驚風。搖也。孫真人云。乘馬遠行至暮。當沐浴更衣。然後方可近於嬰兒。使不聞馬汗氣。毒不然。則多為天吊急驚風。搖也。故剝死馬者。感其毒氣而成馬氣。丁黃之疾。皆由聞其毒氣之所作也。故聖惠方一法。大汗